

Риёзус солиҳийн шарҳи / Риёзус солиҳийн шарҳи / 864-ҳадис

864 - عَنْ عِمْرَانَ بْنِ الْحُصَيْنِ رَضِيَ اللَّهُ عَنْهُمَا قَالَ: جَاءَ رَجُلٌ إِلَى النَّبِيِّ صَلَّى اللَّهُ عَلَيْهِ وَسَلَّمَ فَقَالَ: السَّلَامُ عَلَيْكُمْ، فَرَدَّ عَلَيْهِ ثُمَّ جَلَسَ، فَقَالَ النَّبِيُّ صَلَّى اللَّهُ عَلَيْهِ وَسَلَّمَ: «عَشْرٌ» ثُمَّ جَاءَ آخَرُ فَقَالَ: السَّلَامُ عَلَيْكُمْ وَرَحْمَةُ اللَّهِ، فَرَدَّ عَلَيْهِ فَجَلَسَ، فَقَالَ: «عِشْرُونَ»، ثُمَّ جَاءَ آخَرُ فَقَالَ: السَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ، فَرَدَّ عَلَيْهِ فَجَلَسَ، فَقَالَ: «ثَلَاثُونَ». رَوَاهُ أَبُو دَاوُدَ وَالتِّرْمِذِيُّ وَقَالَ: حَدِيثٌ حَسَنٌ [د 5195، ت 2689].

864. Имрон ибн Хусойн розияллоху анхумодан ривоят қилинади:

«Бир киши Набий соллаллоху алайҳи васалламнинг ҳузурларига келиб, «Ассалому алайкум», деди. У зот унга алик олдилар. У ўтиргач, Набий соллаллоху алайҳи васаллам: «**Ўнта** (савоб)», дедилар. Сўнг бошқа бири келиб, «Ассалому алайкум ва роҳматуллоҳ», деди. У зот унга ҳам алик олдилар. У ўтиргач, у зот: «**Йигирмата**», дедилар. Сўнг яна бири келиб, «Ассалому алайкум ва роҳматуллоҳи ва барокатуҳу», деди. У зот унинг саломига алик олдилар. У ўтиргач, «**Ўттизта**», дедилар».

Абу Довуд ва Термизий ривояти. Термизий ҳасан ҳадис, дедилар.

Шарҳ: Саломнинг мартабаси бўлиб, унга алик олишдаги савоб ҳам тафовутли бўлади. Имом Абу Довуд Саҳл ибн Муъознинг отаси орқали қилган ривоятларида «Мағфиротуҳу» сўзи зиёда бўлгани собит келган.

«Сўнгра бошқа киши келиб: «Ассалому алайкум ва роҳматуллоҳи ва барокатуҳу ва мағфиротуҳу», деб айтганида, у зот: «Қирқта», деб айтдилар».

Фазилатлар шу кўринишда бўлади.



HADIS.ISLOM.UZ
NUBUVVAT MARVARIDLARI